



MAJIGANYO GA KATEMELA JWA COVID-19 – PHUNZIRO KWA A ZIPEMBEDZO



June, 2021



USAID
FROM THE AMERICAN PEOPLE

world relief®

M'dandanda wazopezekamo

| | |
|--|----|
| MAJIGANYO 1: UTENGA WA COVID-19 VIRUS KUTYOCHEA KWA ACHIWALIMU. | 1 |
| Ligongo chichi tokusosa achiwalimu ajinjilire pa nganijeji?..... | 2 |
| Ani uwe asogoleri wachipembezo mpaka tutende uli mundawi jino?..... | 3 |
| Ani mpaka tujigale mbali japi pakutumichira wandu wa mlungu mundawi jereji? | 3 |
| MAJIGANYO 2: MAJIGANYO GA KATEMELA JWA COVID-19 – KWA WANDU WOSOPE WAKUPOPELA | 4 |
| Chakulinga | 4 |
| Ngani (komboleka kujitenda sewelo) | 5 |
| Lijiganyo..... | 11 |
| MAJIGANYO 3: MAJIGANYO GA KATEMELA JWA COVID-19 KWA MA KUGA GA WANDU WAI TA YAI KULITEIEYA KU COVID-19..... | 14 |
| Ngani (komboleka kujitenda sewelo) | 15 |
| Lijiganyo..... | 19 |
| Yitendo ya majiganyo: "Lichinga" | 21 |
| MAJIGANYO 4: MAJIGANYO GA KATEMELA JWA COVID-19 – KWA WANDU WA DINI JA CHISILAMU..... | 25 |
| Yitendo ya lijiganyo: Kangaude jwa mwikuga | 26 |
| Ngani (komboleka kujitenda sewelo nganiji) | 27 |
| Lijiganyo..... | 33 |

MAJIGANYO 1: UIENGA WA COVID-19 VIRUS KUTYOCHERA KWA ACHIWALIMU.


Kutetesya ni kusamalira mawasa ni misi jetu

Ndandliro

Urwele wakamula wandu wosope nganuwa wachilendo kwa Mlungu. Kutandila kala kala ko Mlungu atemi ali kukutesa wandu wakwe kumavuto gakulekanganakangana ndiku ma urwele gakwe.


Chilamulo chekulungwa kwejinji chaliji dyalijosye kumanayilira urwele wa matana. Jwalijose jwakwete udindo wakuti gele Matana gakaika jikawaika wantru wa mmusi wawo. Mlungu dyakamulisyaga achiwalimu pa kunondiya kwambuchira kwa urweleu. Pakutetesya kuti urweleu uka jambuchira wantru wajinji, wakurwala wasungaga kwa jika chakulinga chakuti uiweu, ukawakamula wantru wajinji.

Lerojino kuiche urwele ukwendelechera chilambo chosope chapasi. Urwelewu ukusimanidwa mu tulombo twamwanamwana twangaoneka nimeso getu. Soni urwele welewu ukulekangana ni urwele wa matana soni ata uwirwele wa HIVAIDS. Urweu ukulandana ni liwundika. Chirambo chilichose chikwete wele urwereu soni ukamula nopenope wandu wakalambla, wakwete urwele wa suga, mtima ni wa mbumu.



Matenda a COVID-19 amafala pakati pathu kudzela mukukhosomola ndi chimfine

Kuti tukajigala urweleu, boma liwisle ndondomeko syakuti tika jiga la urweleu. Litala line Boma liwisle ni lya kupochera katemera jweleji dwa COVID-19 nic ha kulinga cha kuti urelewu uka pitilira kwambuchira.



Njira zopewera COVID-19: kuvala masiki, kusamba manja ndi sopo, Kukhala motalikirana 1 mita ndi kulandira katemera wa COVID-19

Chekulungwa chakuti tumanyiliire nichakuti anta mundu apochere katemeraju nikuti nganawa arwasile COVID-19 nambo kuti kurwala kwache kusawaga kwapanandi.

Ligongo chichi tokusosa achiwalimu ajinjilire pa nganjeleji?

Tukusosa ajinjilire pa nganjii ligongo Mlungu asakamula Maseko kwinjilira mwa a chiwalimu wakwe, Urwele wine usaika ligongo lya ndamo sine sikwete. Mulitala lyeleli, Mlungu asakamulisyaga achiwalimu kuti urwele unondipe.

Muhammad ndi chifundo ku dziko lonse la pansi (Korani Chapter 21:107. Allah amati," Ndipo sitidakutume koma kuti ukhale Chifundo kwa zolengedwa zonse." Korani ndi gwero la machilitso (Korani Chapter 41:44). Allah amati, "Ndi chiongoko ndimachiritso kwa okhulupiira."

Qur'an ndi mchiritso komanso chifundo (Korani 17: 82). Allah amati, "Ndipo tikuitumiza Korani yomwe imachirts'a (matenda mmitima) ndiponso ndi chifundo kwa okhulupiira. Komabe anthu osalungama sikuwa onjezera (kanthu kena) koma kuluza ndi kuta ika."

Ani uwe asogoleri wachipembezo mpaka tutende uli mundawi jino?

- 1. Kwapembeka wantru iyagwilire ni masura.**
- 2. Kupembelera wandu ndimisi jetu**
- 3. Kwamanyisa wandu ya ureweu ndi isindikilo ya uwerewu. Kwakumbusya wandu ya kutama mmanjumba, naga atandite kosomola autuchile kuchipatala.**
- 4. Tuleche kupelekagana moniwa myala.**
- 5. Tukumbuchile kunawa mmyala ndawi ni ndawi.**
- 6. Naga kwakomboleka, tuswalireje pasa kuti tunondiye kwambuchira kwa urweu.**
- 7. Kwasamalira ni kwa tetesya wandu wane pakupochera katemera jwa COVID-19.**
- 8. Tupelechedye utenga wakuona usyesyene wa kamuchisya kunondiya kwambuchira kwa urweleu.**
- 9. Kunondiya lusagu kwa wandu wa lwasileje COVID-19.**

Ani mpaka tujigale mbali japi pakutumichira wandu wa mlungu mundawi jereji?

- 1. Kwitichisya kuti Mlungu alini nwe mundawi josyope.**
- 2. Tutamedye tuli tuimanyi ni kwenda ni ndawi aku tulikukuya ndondomeko sya boma**
- 3. Urwelu wakomboleka kupewa naga tukuya ndondomeko sya kupereka wa chipatala ndiwa Boma**
- 4. Tukaperwa kwalingula wandu wetu nikwa popera maduwa.**
- 5. Tupate mataala gakwalmibichisya ndikwapembeka wandu wetu pa ndawi ja muliliwu.**

MAJIGANYO 2: MAJIGANYO GA KATEMELA JWA COVID-19 – KWA WANDU WOSOPEWAKUPOPELA

Kwa wandu wosope wakosyeche kulteteya ku COVID-19

Ana M'lungu akwete lung'wanu ni ya katemela jwa COVID-19?

Ndandiliro

Yindu yakusosekwa mu lijiganyoli

Ngwaila ni mipila jakutawa jiwi.

Chilambo chapasi chikulaga ndi m'lili welewu wa COVID-19, mwakuti pana ilagasyi yejinji yayiyiche ni wele ulwewu. Ngatukumanyilla kuti yakusa usya yatiyiche ni ulwelewu tiyiwe yakutupa uli mavuto chaigamale chant' uli. Katemera jwa COVID-19, juli mbali jimpepe ja kunondiya m'liliwu pa chilambo chapasi. Tukwete upile wakunondiya ulwelewu pakupochera katemela jwa COVID-19.

Chakulinga

Kwapa lunda soni mfundo achiwalimu wakambilana ndi kujigala mbali pakupochela katemera jwa COVID-19.

Yindu yakusosekwa: tumipila twakutawa

Chakulinga: Kwapa yakwajenelesya a chinamlongola wa yipembeso yakulekanga soni wakwakuya kuti apikinisye pa ngani ja COVID-19 soni kwalimbikaysa wandu wosope kuti a pochele katemela jwa COVID-19.

Kwende twayiche wandu m'magulu ga wandu likumi gulu limpepe ni ajime mwakusungulila.

Wandu ajime mwakusungula. Naga wandu apali wejinji panji makumi gawili (20), wagawanye awe m'magulu gawili. Gulu lilio alipe mpila walukonji umpepe. Ansalile mundu jumpepe kuti akamule malo gampepe ga lukonjilo naponye mpilawo kwa mundu juliose jwansagwile. Pataponye mpilawo kwamundu, kwine ali akamwile lukonjili, wasalile wandu chindu chimpepe chakuchisagamila munganisyo syawo kuti tachitenda COVID-19 jili jitondweye. Katende kakwe komboleka kutenda mwanti m'y, "Patichitondoya COVID-19 po, une ni liwasalyangu tuchi... tuchijawula ku tauni kukwalola wanache ni yisukulu, tuchijawula kumusi kwetu kukalola a chinangolo wanganituwalola chaka chambumbu..." Patatendeje yeleyi nikuti mpila ali mponyelana, mbali jimpepe ja lukonji ali akamwile. Patamaleje, ngonji jila tijiwe jili jipanganyisye ka mpela kangaude.

Twausye wandu kuti naga lukonjilo ali ailesile, mpakana chitendegwe nichichi

1. Ana mpaka iwe uli naga mundu jumpepe kapena kupunda pele ali alesisile ngonji ja ka mwileji?
(Komboleka kutendekasya kangaude jwa ngonjju kuwa jwangali machili. Mpaka itendekasye wane kuti akakola lung'wanu nikujileka soningonjjo.)
2. Amsalile mundu jumpepe kuti ajileche ngonjjo nalole kuti tiyiwe uli – alole kuwewela kwangonjjo.
3. Amsalile mundu jwine soni mbali jinejo kuti ajileche soni nalole mwa tiyiwelele – alole soni kuwewela kwache. Kaneko mundu jwine aleche soni, wane soni, kaneko wasalile wosope kuti ajileche ngonjjo

Pamusi naga pali paiche mavuto, gakusawaga ga wandu wonsope. Naga mundu jumpepe julwasile, nikuti wopose gele mavutogo gasakusawakwayaga. Ayi ying'anamula kuti naga wandu wosope tupochere katemera jwa COVID-19, chele chitetezocho tichiwe cha wandu wosope.

Ngani (komboleka kujitenda sewelo)

“Wawo Razaki,” chatite chisukulu cha Razaki, Rafiki. “Tnamjigale tujaule yimpepe ku chipatala na ganga akapochele katemela jwa COVID-19 jwandanda, mpela mwakuwehetela achinamlongola wachilambo chetuchi pa wailesi.”

“Isyene yele? Ngwamba! Une nginja uala. Jaulan im’mwejo nianganga wenuwo.”

“Iya yi Razaki, mmwe. Tukumpa uchimbichimbi kuti m’we wandanda!” watite a Rafiki kwiniku ali nkwinama mwauchimbichimbi nambo mwang’anda. “Katemelaju mundu julijose jwasachile akwa uala kuja kupo chela mwangankanganic hisya, nambo kwa wndu wandu wapundile yaka makumi nsano, wali acha kulungwa wetu mpela mjomba, mama wakulungwa ni wane kuli kwakusokwa mnope kuti akapochele.



Nganga takambilane ni Razaki ya katemera jwa COVID-19

Aiyi ni yiwa nsalile kuchipa talako liso pinajawile kuti ngapika nic hisye."

"Ah, uli kulisa uysa kwanti m'yo yoko!" watite Razaki. "Yakatemelai ya wanache ayi."

"Yamkuwecheta yo isyene Razaki. Wakusapochela katemela ni wanache. Tukumnyilila kuti m'yipatala ni malo gane wanache akusapochela katemela jwakwateteya mpela jwa Polioni soni ndomba. Mbali jeleji wachipatala akukamula masengo gambone. Maulwele gelega galiji gakusausya ngawa masanje, nambo ligongo wanache akupochela katemela jwakwateteya, Polio kwangali soni ndomba jamaasile kalakala. Nambo katemela juwe soni jwachakulungwa pakwateteya ku ulwele mpela COVID-19."

"Isyene yele!" wasimonjile Razaki.

"Ngumsalila! Katemela masengo gakwe ni kututeteya ku ulwele wampaka utuwulaje kapena kutulagasya mpela mwajwelele COVID-19. Wabomaakuwecheta m'ma walesimu kuti katemelaju akwapa waliose wasachile nambo

akwamema soni wandu wele wampaka alwale ulwelewu mwangasausya. Apano tukumanyilla kuti wandu wampaka alwale COVID-19 mwangasausya niwele aliwachekulu, wakwete malwele gane mpela TB, HIV kapena ulwele wa mtima. Wakukamula masengo myipata la akwawika soni kwandanda kupo chela katemelaju.”

Papopo wakopochele a Salaam, mjavo jwa pa mtima jwa Razaki, ali awete masikigawo. Razaki wajinjile sonimnyumba kutola masikigawo nikuwala kaneko watemi pasi pa chitela cha yembe kwineku ali nkumwa utobwa. Watemi mwakutalichilana mpela muwawe chetele mwenye wa m'musimo kuti wandu atameje mwatalichilana.

Razaki watandite kuwecheta achitiji, “Oh Salaam, mtesile chenene kwisaku mungulupusye! Chisukulu changuchi chikuti unejo ni kusyeto atujigale tujaule ku chipata tukapochele katemela jwa COVID-19, nambo une nayimanyi kuti katemela akusapochela ni wanache. Une nganimba jwampaka nalilagasye kupo chela katemela mpela mwanache, ngusile amwene.”



Che Salaam tawajendele a nganga ni kambilana ya katemera jwa COVID-19

“Nambotu yakumsalila mwanacheyo ni isyene”, watite Salaam.” “Une mbochele kala katemela,” watukwile mwinani mkono wawo kuti walosye pawasomile katemelajo.

“Aiyi yakusosekwa mnope”, wapelenganye kuwecheta Salaam. “Katemelaju jukusosekwa wandu wosome, kwa mnope mnope achakulungwa mpela m’weji. Tatuteteye kuti tukalwala COVID-19 kwa mnope. Tatuteteye soni kuti tukawa chiwa cha ulwelewu. Wandu wachekulu mpela um’we ni wane wailwele mpela HIV, TB, Shuga, mtima, ni wane walumale, nganituwa tulimbile ni COVID-19, mpaka tulwale mwampaka waloleleje pa mtimapo. Naga tuli tulwasile COVID-19, komboleka soni kwapela wanache ni isukulu yetu. M’mwejo mpaka msache kutenda yeleyo?”

Razaki wapukwisye mtwe wawo achiiji, “nambo amwene Salaam,” wapitilisye kuwecheta. “ana tunkulupiile uli katemela jwakutyochela yilambo yasyene? – m’kawaga mpela ngankuyimanyilila muyawelele munyumamu—watukamulisye masengo kala kala. Tukulupiile uli kuti ngasatussikasya uslu soni?”

“Ngumpikana Razaki. Yamkuwecheta yo ikupikanika soni ili yakusosekwa. Nambotu jeleji jili mbili jakala. Uli tuga nichisyeye ya lelo? Tukalijiwila sogolo lyetu ligongo lya yindu yiyatendekwe kala kala.”

Salaam wanyakwile mgawo wautobwa nikumwa kwiniku ali nkuwecheta. “pana chitaguccha Chiswahili chikuti,

‘Wele wakukulupiila kuti ajimilile, awe wasamalisya kuti akagwa.’”

Razaki waalolite Salaam ali nkuwilisya chitaguto. “isyene”, watite, “ngukumbuchila anganga walume wasalile chele chitaguchu. Mwine mkuwecheta isyene. Kuli kwambone kuwechetanaga ya indu yeleyi kulekangana nigambaga kuyiganisya jikape mwa mtundu umpepe.”

Salaam watite. “Isyene yeleyo, Razaki. Achinamlongola wa boma mchilambochi akwete lungw’antu lakulyolechesya kuti wumi wawandu ukwenda chenene. Akwete chilinganyo ni ndondomeko syambone syakutukamuchisya uwejo. Ali ni ligongo lyakwe tukwenela kukuyaga ndondomeko syakutukupa. Isyene yakwe ni yakuti chilambo chili chose chikutenda iyoyopeyo. Mbikene kuti atamose ku yilambo ya chiluyaku, ma Imaam kweleko gakupochela katemela. Akukulupiila lunda lya science ni wandu wambone kutyochela myilambo yakulekangana alekangana kuti walongolele nikwapa lilanguka. Mu ndamo syetu

soni dini ja Chisila mu, tukwete chikulupi mu lunda ly a chinamlongola wakwete ilinganisyo ya m'lama.

Razaki walolite pasipa ngwaila jawo kwineku ali nkukologanya utobwa wawo.



Nganga kakambilane ni a Salaam ya katemera jwa COVID-19

Salaam waweni a Razaki ali nkulola ngwaila jawo, wapelengeny kuwecheta, "Mumganichisyekatemela mwanti myi, Ngwaila syenu sikusyateteya sajo syenu kuti nka ulala ni miwa soni maganga pa mkwenda mwitala. Nkusawala ngwayila syenu chila lisiku kulikose kwa mkwaula M'musi mwenu. Nambo pati mpite ku nsikiti kuswali, nkusawula ngwaila syenu nikoga m'masajomu soni m'myala mli nkanimjinjile mu nsikiti kupopela. Nkusalikoselesya chene nepe kuti nka swle soni mtame umi wambone pa meso pa Allah. *Mwa litala lili peli, katemela akusachikomasya chilu kuti chiwe cha mlama lisiku ni lisiku soni kulikose ku mkwaulako kuti chilu chilimbanganeje ni ma vailasi gakutandisya COVID-19. Sano naga atupe wandu wakupochela katemela jwa COVID-19, nikuti chiteteso cha Covid-19 tichiwe soni chamachili kwa wandu wejinji mmisi mwetu. Jeleji ni nganijambone kwa wandu wosope, atamose pa liwasä lyenu mpaka chilambo*


chosopechi. Apa walakwejo ali na mlongola jwambone ku dini ja Chisilamuji, k wateteya wandu, sonikulonolela mu chilichose chambone.

Razaki wa jitic hisye ni mtwe, “apa ni nampikanichisyé Salaam. Ndogolele pa kwisa kwenu.”

Razaki wa chiwila sile chisukulu chawo Rafiki, “Ana wawo Rafiki! Une nguwala ngwaila syangusi lisiku ni lisiku kuteteya sajo syangusi. Basi kwendeje ku chipatala kula ngapochele katemela jwa COVID-19 kuti nachiteteye chiluchi chiwe cha mlama! Ngosyeche sambano!”

“Munindilile Razaki. Kwende tujaule yimpepe”, watite Salaam. “Ngumbuchile kuti lisiku lyakuti ngapochele katemela jwawili ni lelopejino. Soni la Nsano patuchimala kuswali, kwende tuwechetane ni a chibaba nachimasyeto wane. Komboleka kuti nombe nawo akwete mausyo gejnji pa nganisyá katemela jwa COVID-19. Mkuti uli?”

“Nganiso syambone syylesyo, Salaam.” Razaki wjitic hisye.



Nganga, Salaam ni Razaki kupochera katemera jwa COVID-19 ku chipatala

Mausyo pa nganji:

1. Ana a Razaki wakwete madandusyi ga mtunduchi pa katemela jwa COVID-19? (*Nganisyo syawo syalji syakuti ya katemela ilii ya wanache ngawa mundu jwa mkulekule. Watiga soni chilambo chawo wandu wane wakwe akusagamba kuchikamulisya masengo*)
2. A Rafiki ni a Salaam watite uli pakwanga? (*Wasalile kuti atamose achakulungwa akwenela kupochela katemela jwa COVID-19. Tukatanjila mu yindu yiyatendekwe kalakala nambo tuwe ni chikulupi mu lunda lyachinamlongola wa boma ni wane wosope.*)

Ana pelepa mlijiganyisyé kuti katemela wakwenela kupochela ni wani? (Katemelaju akwapa wandu wosope wasachile nambo akwalimbikasy wandu wachekulu (wapundile yaka makumi nsano), wandu wakuchingangana kwejinji ni wandu wakulwala mpela wachipatala ligongo ali pa mtepa pakuti mpaka alwale ulwelewu mwangasausya soni wandu walemale ni wakwete yilwele yine ya mgona mpela TB, HIV ni Shuga. Wandu wapundile yaka makumi nsano akwamema kupochela katemelaju ligongo naga jele manjaji kuti alwale, talwale yangawa chenene kulekangana ni a chachanda.

Lijiganyo

Tuiweni kuti M'lungu akwete lung'wanu pa katemela jwa COVID-19 ligongo akusatunonyera uwe yiwumbe yakwe kuti tutame wumi wambone. Tuiweni soni kuti ulwelewu naga ukamwile mundu jumo, ukusasausyaga musi wosope pakuti wusakamulaga wandu wejinji.

COVID 19 jikusakamulaga wandu kutyochela pa kosomola ni luindika. Soni jikusanonyela kukamula wandu wachakulungwa kulungwa, wandu wakulwala ilwele ya mgona mpela shuga, HIV, TB ni Mtima ni wane walemale wakulekangana-lekangana. Pa magongo gelega, wandu wachekulu ni wele wakwete yilwele ya mgonayi, akwamema kuti akapochele katemelaju kuti aliteteye.

Katemelaju tukusapochela kawiri kuti akamule masengo gakwe chenene. Naga upochele kandanda, mundu ukwenela kwaula kukupochela jwakumalisya pali papite ijuma likumi ni iwili. Kukusa serekwa kupochela wa wiri kuti Mtelawu ukamule masengo ngakwe chenene soni mwamlama. Alangizi wetu wa kuchipatala mpaka atukamuchisye yakwayana ni katemelaju ni kapochere kakwe.

Katemelaju nganawa atupele soni mavuto gane galigose, nambo akutute teya mwakwanila mpela mwele mundu ukusawalira sapato mbali syosope syangongolo kuti ukaliwata Ine ni ine pa ndawi jitukwenda. Pandawi jitupochele katemera jwa COVID-19, soni wandu wejinji nikupechela, nikuti tutandite kunonyelana pele ligongo wosope tukuteteyana ku COVID-19.

Wandu wane akusaganisa kuti katemelaju jukwete yakusa usya ine ni ine mpelaga chilu kamula moto, nambo nanga chilu chikamwile moto yakusosekwa yakwe ni kumwa panado, ndawi ni katemela mundu ukusawaga chenene. Katemelaju jukusakutete ya mundu kuti ukalwala ulwele wa COVID-19 mwa mlama.

Ung'asi wa pa nsele.

Tuyiche lukongolo lwa ku m'lyo pasogolo, Kwende tukalembe sye kuti tupochere katemera jwa COVID-19.

Lukongolo lwa kumchiji pasogolo, tupochere katemela kawili kosope.

Tuyiche lukongolo lwa ku m'lyo pasogolo, katemela jwa COVID-19 akundete ya neji ku ulwelewu

Lukongolo lwa kumchiji pasogolo, katemela jwa COVID-19 akumba une, liwas a and musiwangu chiteteso.

Itulijiga nyisyé

1. COVID-19 tusajjigalaga pa ndawi mundu akukomosomola kapena Liundi ka.
2. Katemelaju jusatupaga Chiteteso chakwanila
3. Tujaule tukapochele katemelaju mwalisosya lyetu ngawa kutukanganichisya, nambo tuyimanyi kuti katemelaju akututete ya wandu wosope. Patutupochele jwandanda, tukapochele soni jwawili.
4. Pandawi jitupochele katemelaju ngalepela ndawi syine mchilumu kolera moto panandi, pele nikuti katemela jutandite kuka mula masengo nambo yangakawa kumala.
5. Wandu wakwenela kupochela katemelaju ni wele wakwanile yaka likumi, nsano ni yitatu (18) kapena kupunda pele.

Liwasa lagu, musi wangu

Tutame m'magulu ga wandu ncheche kapena nsano ni jumo, tukambilane ni kwanga mausyo ga yakusyausya ya iyiche pangani ja kupo chera katemela jwa COVID-19. Tuwe wagopoka pakwanga mausyoga.

1. Ana ni ngani syapi sya una mi sya sikup ika nika m'musi mwawo muno sya gamba nganija katemela?
2. Palijiganyisye lero jino, syele nganisyi takamalane na syo uli?

Kulipeleka

Watamiche wosope pampepe, nikambilana ya madandusyi kapena mausyo gakwete ni majibu gakwe. Alimbiche pelepo kuti wanduwo akole mfundo syakulandana ni chiwecheto chimpepepe chakwalimbika sya wandu kumusi kuti akapo chele katemela jwa COVID-19.

Pakuti Mlungu akusanonyera une, napeleche soni Katemeraju asyene kuti jundeteye, kusigele kwa une kuti ngapo chele katemeraju pa ku liteteya ku COVID-19.

MAJIGANYO 3: MAJIGANYO GA KATEMELA JWA COVID-19 KWA MA KUGA GA WANDU WALI TA YALI KULITETEYA KU COVID-19

Majiganyo ga m'misi ga katemela jwa COVID-19

“Pele panginawa chilongosyo, wandu akugwa, nambo pele papali alangisyi wajinji, pana kuteteya.” Misyungu 11:14

“Waliose wakwisa ni sawabu tachipata sawabu sya mnanu, soni wele wakutajila mesi, tachiwatajila soni.” Misyungu 11:25

Ndandililo

M'makuga mwetu, m'chilambo chetu mpaka pa duniya posope tulipa ngondo jakutulalisa ulwele wakusausya wa COVID-19. Ulwelewu ukutulagasya mu nganisyo mpaka tukwete woga wakuti kogoya kwakwe tikuwe kwa mti uli, soni wumi tiuchitandila soni kwenda chenene chaka chi. Katemela jwa COVID-19 ni mbalijajikulungwa jakututeteya ku ulwelewu. Chilambo chetu chikwembe cheya kuti wandu wakwe apochele kakemela jweleju.

Lijiganyo a lili tiliwaka muchisye wandu kupikanichisya yakwayana nikatemela jwa COVID-19 kuti takamuchisye uli mawasa ni misi jawo. M'magulu mwelemu mwana achinamlongola ni wakunguluka nawo wakuti awechetaneje nawo ngani syakusosekwa mpela sya katemela jwa COVID-19. Kambilana mfundo syanti iyiyisyi tikukamuchisye kukulupusya wandu ma miliyon i kusogoloku pakuwulewa ulwelewu, gamba kupochele katemela basi.

Chakulinga

Kwapa wandu mmisi fundo syakuti akambilane ni akamulane chimpepe, kuti atende yawkajenesya kuliteteya ni katemela jwa COVID-19 mpela mwele boma likwamemela wandu mu ndondomeko syakwe.

Ngani (komboleka kujitenda sewelo)



Che Ali takambilane ni a Maliamu ya katemera jwa COVID-19

Ali wayiche, ali nkukwakwasya njinga jawo kutyochela ku msika kuwaliji lisiku lyosope, wajimiche njinga chiwandika nipepenu pa nyumba jawo. Wajigele itela yakutawila lutenje kuti akasumisye ku msika. Maliyamu, wamkwawo wayiche kukwapochela.

“Atame pasi apumule kwine nape utobwa,” Wasalile ali nkusechelela kwine ali nkwiisa nimgawo wautobwawo. Watemi yimpepe pasi pa chitela cha yembe.

“Wamkwangu mpesile” wawechete mwachinonyelo.

Watemi yimpepe kwa kandawi ali nkuwecheta na mulilyajendele lisiku kwine ku wanache ali nkukamula masengo soni kuwuga yakulya ya ligulo.

Ali wamwele utobwawo ni a chitiji, “Ngani ja jili m kamwa m kamwa ku Msika ku ni ja katemela jwa COVID-19.”

“Wandu ni akuti uli, musalile.” Wawusiseye mwalung’wanu Maliyamu. “Nguyipikana nasoni kwejinji pa waylesi yeleyi.”

“Achinam’longola wa bomatu akuti wandu wosope wakwanile yaka likumi, nsano ni yitatu (18) ajaule aka pochele katemela jwa COVID-19, nambo ajangu wala Shaibu ni akuti katemela wakusapochelaga ni wanache ngawa acha kulungwa.”

“Mbikene pelepo, wamkwangu. Ngati wanache wetu wosopewa wapochele katemela josome jwakuso sekwa kuchipatala. Nambo katema kalikose kimbite m’misongano ja ya kuchipatala, tukumemana kuti wanache wosope apochele katemela atamose wanache wakutyo chela mnyumba syatuwandikene nasyo. Pelepo ni kuti wandu wosope tituwe ni chiteteyo ku yilwele mpela Polio, ndomba ni yilwele yine. Nambotu katemela ajuju juli jwa ulwele wine winepe wa COVID-19. Katemela jweleju juli jwa sambano soni jwa mtundu wine. Katemela ajuju ngakwapa wanache, mwine msogolo wanache soni ta chitanda kwapa.”

Ali wausiseye, “Sambano katemela jweleju masengo gakwe ni chichi? Soni ni logongo chi pakutupa yakuwecheta ya katemelaju? Soni wakulwala wakwe ni wani ligongo ngangwawona wakulwalawo. Wandu wakule kule ni tukapocheleje katemela soni lingo? Unejo mwambelele jwa mlamamu ni ngapocheleje soni katemela jwa chichi?”

“Mawusyo gambonetu gelego, Baba. Une mbikene yejinji pa wailesi. Yinduyi yikuso sekwa kuyipika nichisy. Nambo yambikene une kutyochela m’makuga ga ya chipatala ni yakuti katemela masengo gakwe ni kuteteya yilu yetuyi.”

Maliyu walolite njinga ja wamkwawo jila jili jjimi mungulugulu lipeni, ni wagasisye masengo gakwe gakunya kulisila yitela yakutawila matenje.

“Mwine katemelaju mpaka tum’landanye ni lutenje lwa machili ka pena lic hinga lyagona yilango pamusi kuyiteteya ku matunu. Yayikutandisa COVID-19 nitumavayilasi twasambano twamatata mpela litunu. Tuli yakali yakali kusaka kuloposya wandu wakuti alwale kwa mnopemnope wanganakola yilu ya m’lama mpela wachekulu ni wane wakwete yilwele ya mgona mpela HIV, Shuga ni TB. Wosope tukwenela tuwe ni lutenje lwakulimba kuti ulwelewu ukatujinjila. Katemela masengo gakwe ni ga lutenjelo, kuteteya uwe. Yele ni yambikanichisy ku makuga ga ya chipatala. Katemela akukomasya yilu kuti yiwe ya m’lama.”

Chintunzi 2: Mmene katemera wa COVID 19 amatchinjirizira matupi ku matenda a COVID-19



Wosope tukwenela tuwe ni lutenje lwakulimba kuti ulwelewu ukatujinjila.

Katemela masengo gakwe ni ga lutenjelo, kututeteya uwe.

"Oh, pele ni mbikanichisye sambano." Ali watite kwineku ali nkwiika mgwo wa utobwa pasi. "Soni pelepo lichingalo nganiliwa kuti ligamba kututeteya yilango yayiliyangali machiliyo ku matunuga, nambo yosope mwichingamo."

"isyene". Maliyamu wawechete mwakusengwa.

Ali wamalisisye utobwa ula kaneko nikwasalila wamkwawo, "kwende tukapochele katemela yimpepe malawi, Maliyamu."

Maliyamu wamwetulile kwine ali nkujigala mgawo wuwamwelaga utobwa wamkwawowo, kwawula kukumalisya kulinganya yakulya yaligulo. "Kwende twameme alongo ajetu wosope akapochele katemelaju, kwamnopemnope wali wachekulu. Pelepo nikuti tukole lutenje lwamachilingawa masanje."

"Matunu gakalilagasya kwisa akuno!" Ali wawechete ali nkunawa m'myala kuti alyeje.



Ali ni Maliyamu ta jaule ku chipatala ku lembesyakuti apochere katemera jwa COVID-19

Mausyo pa nganiji:

1. Ana Ali nganisyo syawo syaliji syanti uli pa katemela jwa COVID-19? (Waganisyaga kuti katemela wakusapochelaga ni wanachepe basi.)
2. Maliyamu wawanjanjile chichi wamkwawo? (Watite kuti yaliji yakuona kuti katemela jwatukum'manyilla wakusapochela ni wanache, nambo katemela ajuju nganawa mpela jwineju. Ma Vayilasi ga COVID-19 galiga mtundu wine ni gakusoseka katemela mtundu wine jwakupochela ni ahalungwa wakwe.)
3. Alijigenye chichi pa wakwenela kupochela katemela jwa COVID-19? (Katemelaju akwapa wandu wosope wasachile bola aweje kuti akwanile yaka likumi, nsano niyitatu (18); nambo akwalimbikasya wandu wachekulu (wapundile yaka makumi nsano), wandu wakuchingangana kwejinji ni wandu wakulwala mpela wachipatala ligongo alipa mtepa pakutimpaka awale ulwelewu mwangasausya soniwandu walemale ni wakwete yilwele yine ya mgona mpela TB, HIV ni Shuga. Wandu wapundile yaka makumi

nsano akwamema kupochele katemelaju ligongo naga jele manja ji kuti awale, tawale yangawa chenene kulekangana ni acha chanda).

4. Maliyamu wajilandani hisye vayilasi ja COVID-19 ni chichi? (*Matunu gagakonanga yilango yetu mpela mbusi*)

Lijiganyo

Apa tuyiweni kuti kwana mavayilasi gagakonanga wumi wetu mpela mwele matunu gagakusajonanjila mbusi syetu. Nambo ngani jambone ni jakuti kwana katemela jwakututete ya uweji ku COVID-19, bola tujawule tukapochele jwele katemelaju mwakuya ndondomeko sya boma. Wandu wane akwete madandusyi pa katemela jweleju, kwende tuwechetane yakwalimbikasya ajetu. Yili yindu yambone kuti tuwechetaneje pampepe.

COVID-19 jikusakamulaga wandu kutyochela pa kosomola ni luindika. Soni jikusanonyela kukamula wandu wachakulungwa kulungwa, wandu wakulwala ilwele ya mgona mpela shuga, HIV, TB ni Mtima ni wane walemale wakulekangana-lekangana.



COVID-19 jikusakamulaga wandu kutyochela pa kosomola ni luindika

Pa magongo gelega, wandu wachekulu ni wele wakwete yilwele ya mgonayi, akwamema kuti aka pochele katemelaju kuti alite teye.

Ntelawu tukusapochela kawiri kuti ukamule masengo gakwe chenene. Naga upochele kandanda, mundu ukwenela kwaula kukupochela wakumalisya pali papite ijuma likumi ni iwili.

Kukusa sosekwa kupochela wa wiri kuti Mtelawu ukamule masengo ngakwe chenene sonimwamlama. Alangizi wetu wa kuchipatala mpaka atukamuchisye yakwayana ni katemelaju ni kapochere kakwe.



Ntelawu tukusapochela kawiri kuti ukamule masengo gakwe chenene. Naga upochele kandanda, mundu ukwenela kwaula kukupochela wakumalisya pali papite ijuma likumi ni iwili.

Katemelaju nganawa mpaka wape vayilasi.

Wandu wane akusaganisa kuti katemelaju mpaka wape yakusa usya yine ni ine mchilu – yindu yakwe mpela chilu kocha moto, yingwangwa ni kasanya kwa mtwe. Yili yakomboleka kuti wandu wane apikane m'chilu panondi mpela tuyingwangwato, ka mtwe, m'chilu kasanya, nambo yikusatendekwa ndawi jamnono pele mtelawu uli utandite kamula masengo. Nambo katemelaju nganawa wapele ulwele watukuujogopawu.

Chitapate walakwejo ali apochele katemelaju ni chiteteyo – mpela mwele yitel a yaktawila lutenje ikusateteyela lutenjelo. Katemela jukwateteya wandu kuti a kalwala. Nambo walwasile ulwelewu, katemelaju akwateteya kuti kawa. Ngati ni nganijo jele! Nanga wandu wajinji apochele katemelaju nikuti tituwe ni chiteteyo cha m'lama, ulwelewu ngawukula sikati jetu, ulwelewu nganiuwa ukamwile wandu wajinji m'misi mwetu.

Wane munganisyo syawo nakuti katemelju nganawa amkulup ilile ligongo akutyochela yilambo ya kusa. Yakuona kuti katemelju akutyochela yilambo yakusa mpela mwele mitela ni yakanulila masengo m'yipatala ikutyochela kusa soni. Boma lyetu ni ma boma ga yilambo yosope akamwilene kuti katemela ni jweleju. Malowe ga M'lungu gakuti tujikulup ilile misyunguji.

“Pele panginawa chilongosyo, wandu akugwa, nambo pele papali alangisyi wajinji, pana kuteteya.” Misyungu 11:14

Kwende tukamulise masengo ngwayila syetu kuti yitukamuchisye kukumbuchila mwakukamulila masengo katemela pakututeya. Tujime mwakusungulila. Tulole ngwayila kapena sapato syituwete kuti tukumbichile yakuona yisyenesyene ya katemela:

Tuyiche lukongolo lwa ku m'lyo pasogolo, Kwende tukalebesye kuti tupochere katemera jwa COVID-19.

Lukongolo lwa kumchiji pasogolo, tupochele katemela kawili kosome.

Tuyiche lukongolo lwa ku m'lyo pasogolo, katemela jwa COVID-19 akundeteya neji ku ulwelewu

Lukongolo lwa kumchiji pasogolo, katemela jwa COVID-19 akumba une, liwasan and musiwangu chiteteso.

Yitendo ya majiganyo: “Lichinga”

(*Yakwenela kukuya wakulongolela: Mwakusisa m'sagule mundu jumo kapena wawili awe matunu mwakwilana ni ujinji wa wandu wumkwete. Alongosole chenene kuti matunuga tigatende chichi ligongo wandu wanewo tawe mbusi. Wandu watawe matunuga awe wandu wakalamuka wakuti jinjile yimpepe mwichinga nimbusimwautambwaliwangalima key gakuwugulila*).

Muyitendo ayiyi mwana magulu gawili. Gulu lyandanda ni wandu watawe lichinga lyambusi kusiteveya mbusiso chilo. Wandu wakwimila lichingawa tajime mpela yitela ya lichingalo mwakusungulila. Wandu wakwimila lichingawa akakamwilene nambo Ligongo lya COVID-19 tajime mwakutalichilana mikono jiwili.

Gulu line lya wandu tawe mbusi sili nkuyika ku lichinga ligulo. Nambo asamalisye ligongo mu likuga lya mbusilo mwana soni matunu nambo ngagkumanyika ligongo kwana chipi. Nambo mbusi tasimanyilile ligongo sikwete ma key gakuwugulila milango ja lichingalyo.

Lichingali likwete milango jejini nambo ma key gakwe ni gawilipe basi. Malowe gawili. Mbusi syosope tisijinjile pakuwugula milangoji ni malowe gawili. Malowe gakwe ni Kate mela kapena masiki. Wandu wakwimila lichingawa patapikane malowe gawili gelego, amanyilile kuti syeleso mbusi asijinjise mwangasausya. Nambo wagamba kwisa kuti ajinjilile machili, gelego matunu, ngagapa lipesa. Mbusi siwechete kuti Kate mela kapena Masiki kuti sijinjile mwchingamu, nambo matunu tiga linje kwinjilila mwa ukambele.

Yitendoyi yitande ndawi jele lichinga tiliwe lili likosyeche. Wandu wakwimila lichingawa ajime mwakusungulila ali atambasukwile mikono jawo. Pelepa nikuti mbusisi tisiwe sili syunguli syunguli pasa palichingalo yimpepe ni matunuga.

Chakulinga cha kung'anda akuku ni chakuti mbusi sijinjile sikajuwe mlchingali ni gona, lichingali lisiteye mbusisi pangakunda matunu kwinjila.

Katande kakwe, wakulongolela tawalanje kataku kaneko nikugumila mpela litunu, pele basi yitandiche. Mbusi syosope tisitande kwinjila chenene ni ma kiyi ga malowe gala ni kupitilaga pasipa mikono ja wakwimila lichingawo. Nambo matunu tigasacheje kwinjila mwachisawawa.

Patang'ande panondi ajimiche ng'andaku.

Yitendo yine

1. Ana matunu gali kwa? Gakwanisye kwinjila mulichingamu? Agape lipesa matunuga galongosole ya simene nayo. Naga gali mwchinga, gajinjile uli? Matunu gane gali kusa kwa lichingali? Mwakwinjilila mwangasausya mwaliji pa. Ng'andaku kukusawaga kwakusengwesya wandu akusawa ali nkuseka.
2. Nambi mbusi sili kwa? Syosope sili mwchinga? Kapena sine sili pasa? Ana mbusisi sipekeneje uli pakwinjila mulichingamu? Yaliji yangasausya kapena yakusausya? (Waleche wandu awechete nganisyo syawo pelepa. Wane tasale kuti wasokonechele mu mtwe, wane wakwete woga nganayimanyililaga kuti tiyimale uli.)
3. Matunu gali kwapi? (Naga gane gajinjile mulichingamu ni ngawa kuti mbusi sili pachijogoyo? Kwene. Pele ni kuti mbusisi sili pachijogoyo chakuka mulwa. Lyeleli ni ligongo lyakwe tukwamema wandu wosope kuti

apochele katemela ndawijele jakupeleka katemelaju – kwamnopemnope wandu wakwete chijogoyo cha chikulungwa ku ulwelewu.)

Majiganyo galokwete m'kung'andamu:

- Ana wosope walipikene kuti akwete chiteteso? Wosope wakwete ma keyigamalowe—katemela sonimasiki—yeleyimpaka yitutete ye ku COVID-19, nambo ngakomboleka kuti wosope akamulisye masengo yichinduyi. Wangana kamulisya masengo ni wapi? Matunu.
- Ana yaliji yangasausya ulikuti wane akamulwe “kulwalwala” kapena kujawa ni matunu? Ana wakwete woga? kwene—naga amanyilileje kuti kwana matunu ayimanyiji kuti komboleka kukamulwa ndawi jilirose.
- Sambano chakwenela kutenda ni chichi kuti matunu (Vayilasi) gakajinjila? Lichinga lwamachili (kuwa wachile) soni waliwose kola ma kiyigala (kupo chela katemela kapena kuwala masiki).

Liwasa ni musi wangu

Sambano tukusaka tupikane kutyochela kwa jemanja. Agawane m'magulu gawandu msano. Akambilane mwelemo mawusyo gali gose gakwete soni yakusawusya yakuyiona kuti mpaka yalepelesye kupo chela katemela jwa COVID-19. Pelepa jamani agopoche nikuwecheta yosope yakungulo kwawo pa nganiji. Aga mawusyoga mpaka awusyane.

1. Ana pali madandusyi ga mtunduchi gampikene mwiwasa mpaka Mmusi mwenu gakwambaga katemela jwa COVID-19?
2. Kutyochela m'majiganyo galeloga, nkuyiwona kuti mdandusyi gelega mpaka tumalane nago chantuli?
(Pawe soni kuwechetana kwakuli, pakulekangana sika ti ja chalume ni wakongwe, yaka, yilema, kwakupata chikamuchisyo soni ka pelechedwe ka chikamuchisyo cho)

Kulipeleka

Wasonganisy e wosope pampepe nikwapa lipesa lyakuwecheta madandusyi gakwete kutyochela m'mgulu gawo soni yalangene kuti mpaka atende pakumalana ni madandusyigo. Alipeleche kuti tatende chichi? (Wape wandu lipesa lyakwanila kuwecheta yakungulo kwawo.)

Walimbichisyé wandu kuti akole nganisyo jakulandana pakuwec heta jakwalimbikasya soni kwapa ligongo lyakwanila kuti akapochele katemela jwa COVID-19. Pakutandila chabe ni apa:

“Ligongo M’lungu akwete chinonyelo pa une napeleche litala lyakuti nalite teye uneji ni alongo ajangu mu ndawi jakusawusya ja COVID-19 jeleji, ngwaula ngapochele katemela jwa COVID-19.”

TULIPELECHEkumemana wosope kwawula kukupochela katemela jwa COVID-19 soni kulolechesya kuti wandu wakwete chijogoyo cha chikulungwa m’misi mwetu ikapita.

Lisawabu

Kupochela katemela jweleju uli upile wakupelegana sawabu sikati ja wandu pakuteteyana kuti wumi utandile soni kwenda chenene.

“Waliose wakuika ni sawabu ta chipata sawabu sya mnanu, soni wele wakutajila mesi, tachiwatajila soni.” Misyungu 11:25

Wandu apelegane sawabu pakutyoka kulosya kulipeleka pa malonjesyo gapeleche.

MAJIGANYO 4: MAJIGANYO GA KATEMELA JWA COVID-19 – KWA WANDU WA DINI JA CHISILAMU

Kwa ma kuga ga wandu wali tayali kuliteteya ku COVID-19

Ana Allah akwete lung'wanu ni ya katemela jwa COVID-19?

“Pangali jwali jose jwa jemanja jwakwete chikulupi naga nganinkola cha kwanonyelela ajenu mwankusalinonyelela asyene.”

Malowe ga mu Hadith #45 kutyochela kwa Muhammad mtume

Ndandililo

M'makuga mwetu, m'chilambo chetu mpaka pa duniya posope tulipa ngondo jakutulalisya ulwele wakusausya wa COVID-19. Ulwelewu ukutulagasya mu nganisyo mpaka tukwete woga wakuti kogoya kwakwe tikuwe kwa mti uli, soni wumi tiuchitandila soni kwenda chenene chaka chi. Katemela jwa COVID-19 ni mbali jajikulungwa jakututeteya ku ulwelewu. Chilambo chetu chikwembecheya kuti wandu wakwe apochele kakemela jweleju.

Nambo chakudanda ulisia nichakuti wandu nganawa wagopoka nikatemelaju, atamose achakulungwa wa dini. Majiganyo aga gali ga kwakamuchisya achakulungwa wa dini kuti achingangane pa mpepe nikambilana ya katemelaju, apikanichisye ya katemela jweleju nikutanda kwamema wandu m'makuga mwawo kuti apochele katemelaju. Wandu m'madela mwakutama akwete chikulupi cha m'lama ni achakulungwa wa dini, ni ligongo lyakwe achakulungwa wa dini ali wakusekwa kwa mnope pa kwakamuchisya wandu kuti ateteye chiwa chakwisa ni Covid-19, soni kumalana ni ipwetesiyawi che ni COVID-19 m'mawasa ni m'makuga mwetu.

Maboma getu pa duniyapa gakuti tukwete upile wa mpaka kukulupusya umi wa wandu wamnopemnope pakwateteya kuti tulombo twakutandisya COVID-19 tukawajinjila, yeleyi ili yakomboleka pokapokapo ali apochele katemela jwa COVID-19.

Nambo komboleka soni kuti uwejo tikliusya kuti, “ana Allah akwete nayo masengo ya katemela jwa COVID-19?”

Liwusyo lyeleli lili lyakusosekwa mnope kuliwungusya.

Tukumanyilila kuti Allah alijwa chanasa soni akwete lukosyo pakukulupusya wumi wa wandu wejinji.

Mu majiganyo gelega tulole kuti masengo ga katemela nikuwuteteya umi. Sano pelepa, nikuti Allah akwete nayo masengo ya katemela? Kwende tupalo chenene pelepa, kumbesi kwakwe takole majibu gasyenesyene.

Chakulinga

Pambesi pa **lijiganyo** lyeleti, a chakulungwa wa dini ja chisilamu tapikanichisyen yakusosekwa ni ungajogoya wa katemela jwa Covid-19 kwa wandu wa m'makuga mwawo soni tatende yakwalimbichisa wandu kuti apochele katemelaju mwakamulana nindondomeko sya boma.

Yitendo ya **lijiganyo**: Kangaude jwa mwikuga

Yindu yakamuliya masengo: Mpila waukulungwa wayipepala ya pula sitiki wa kola lukonji.

Chakulinga cha chitendochi/ng'anda: yitendo ya mu **lijiganyo** lyelyeli tiyitulosye kangaude jwanganji jwa mwele wandu tukutamila m'makuga mwetu soni mwele yitendo ya julijosye mwaikusakwayilaga wane. Kutyochela pelepa tulole, soni tulijiganye kusosekwa kwa katemela jwa COVID-19 kuti wandu wosome tuwe wateteyana.

Yakwenela kutenda: Wandu ajime mwakusungula. Naga wandu apali wejinji panji makumi gawili (20), wagawanye awe m'magulu gawili. Gulu liliso ali pe mpila walukonji umpepe. Ansalile mundu jumpepe kuti akamule malo gampepe ga lukonjilo naponye mpilawo kwa mundu julijose jwansagwile. Pataponye mpilawo kwamundu, kwine ali akamwile lukonjili, wasalile wandu chindu chimpepe chakuchisagamila munganisyo syawo kuti ta chitenda COVID-19 jili jitondweye. Katende kakwe komboleka kutenda mwanti m'y, "Patichijitondoya COVID-19 po, une ni liwasa lyangu tuchi... tuchijawula ku tauni kukwalola wanache ni yisukulu, tuchijawula kumusi kwetu kukalola achinangolo wanganituwalola chaka chambumbu..." Patatendeje yeleyi nikuti mpila ali mponyelana, mbali jippepe ja lukonji ali akamwile. Patamaleje, ngonji jila tijiwe jili jipanganyisye ka mpela kangaude.

Mausyo: Patamale ponyelana mpilawo soni wali se ali akamwile lukonji, wausye wandu kuti atukuchile munyuma kuti lukonjilo likunjiche. Wandu ajime mwakulolegana. Nawechete kuti...

Kwende tugambe kulandanicisyen kuti ayi ili chisawu m'makuga mwetu ni tukutama impepe mwakulumbikanya, atamose yakusausya yetu ili yakulandana mpela mwajiwalele COVID-19. Sambano ni ngwete mausyo gamnono gakuti mbusye:

1. Ana mpaka iwe uli naga mundu jumpepe kapena kupunda pele ali ale sisile ngonji ja kamwileji?

(Komboleka kutendekasya kangaude jwa ngonjju kuwa jwangalimachili. Mpaka itendekasye wane kuti akakola lung'wanu nikujileka soni ngonjjo.)

2. Amsalile mundu jumpepe kuti ajileche ngonjjo nalole kuti tiyiwe uli – aole kuwewela kwangonjjo.
3. Amsalile mundu jwine soni mbali jinejo kuti ajileche soni nalole mwatiyiwelele – aole soni kuwewela kwache. Kaneko mundu jwine aleche soni, wane soni, kaneko wasalile wosope kuti ajileche ngonjjo

Lijganyo: Wandu patukutama palikuga, tukutama mwakumbikaanya; mwakuti yindu yitukusawaga tuli nkutenda yikusakwayaga wane. Kuli kwakuso sekwa mnope kuti tuwe wakuliteeya mwangalinonyela. Tuteteye mawanja getu ni wandu wosope mwikuga mwetu mpaka chilambo chetu. Wosope tuli wakumbikaanya, tuli wampepe.

Ngani (komboleka kujitenda sewelo nganiji)

“Wawo Razaki,” chatite chisukulu cha Razaki, Rafiki. “Tina mijigale tujaule yimpepe ku chipatala na ganga akapochele katemela jwa COVID-19 wandanda, mpela mwakuwehetela achinamlongola wa chilambo chetuchi pa wailesi.”

“Isyene yele? Ngwamba! Une nginjaula. Jaulanim’ mwejo nianganga wenuwo.”
“Iya yi Razaki, mmwe. Tukumpa uchimbichimbi kuti m’we wandanda!” watite a Rafiki kwiniku ali nkwinama mwauchimbichimbi nambo mwang’anda.
“Katemela ju mundu julijose jwasachile akwaula kuja kupochela mwangankanganichisy, nambo kwa wndu wandu wapundile yaka makumi nsano, wali achakulungwa wetu mpela mjomba, mama wakulungwa ni wane kuli kwakusokwa mnope kuti akapochele. Ayiyi ni yiwasalile kuchipatalako liso pinajawile kuti ngapikanichisy.”



Nganga takambilane ni Razaki ya katemera jwa COVID-19

“Ah, uli kulisa uysa kwanti m’yo yoko!” watite Razaki. “Yakatemelaiya wanache ayi.”

“Yamkuwecheta yo isyene Razaki. Wakusapochela katemela ni wanache. Tukumnyilila kuti m’yipatala ni malo gane wanache akusapochela katemela jwakwateteya mpela jwa Polioni soni ndomba. Mbali jeleji wachipatala akukamula masengo gambone. Maulwele gelega galiji gakusausya ngawa masanje, nambo ligongo wanache akupochela katemela jwakwateteya, Polio kwangali soni ndomba jama sile kalakala. Nambo katemela juwe soni jwachakulungwa pakwateteya ku ulwele mpela COVID-19.”

“Isyene yele!” wasimonjile Razaki.

“Ngumsalila! Katemela masengo gakwe ni kututeteya ku ulwele wampaka utuwulaje kapena kutulaga sysa mpela mwajewe lele COVID-19. Wabomaakuwecheta m’mawalesim u kutikatemelaju akwapa waliose wasachile nambo akwamema soni wandu wele wampaka alwale ulwelewu mwangasausya. Apano tukumnyilila kuti wandu wampaka alwale COVID-19 mwangasausya niwele aliwachekulu, wakwete malwele gane mpela TB, HIV kapena ulwele wa

mtima. Wakukamula masengo myipatala akwawika sonikwandanda kupo chela katemelaju.”

Papopo wakopochele a Salaam, mjavo jwa pa mtima jwa Razaki, ali awete masiki gawo. Razaki wajinjile sonimnyumba kutola masiki gawo nikuwala kaneko watemi pasi pa chitela cha yembe kwineku ali nkumwa utobwa. Watemi mwakutalichilana mpela muwawechetele mwenye wa m'musimo kuti wandu atameje mwatalichilana.

Razaki watandite kuwecheta achitiji, “Oh Salaam, mtesile chenene kwisaku mungulupusye! Chisukulu changuchi chikuti unejo ni kusyeto atujigale tujaule ku chipata tukapochele katemela jwa COVID-19, nambo une nayimanyi kuti katemela akusapochela ni wanache. Une nganimba jwampaka nalilagasye kupo chela katemela mpela mwanache, ngusile amwene.”



Che Salaam tawajendele a nganga ni kambilana ya katemera jwa COVID-19

“Nambotu yakumsalila mwanacheyo ni isyene”, watite Salaam.” “Une mbochele kala katemela,” watukwile mwinani mkono wawo kuti walosye pawasomile katemelajo.

“Aiyi yakusosekwa mnope”, wapelenganye kuwecheta Salaam. “Katemelaju jukusosekwa wandu wosome, kwa mnopemnope achakulungwa mpela m’weji. Tatutete ye kuti tukalwala COVID-19 kwa mnope. Tatutete ye soni kuti tukawa chawa cha ulwelewu. Wandu wachekulu mpela um’we ni wane wailwele mpela HIV, TB, Shuga, mtima, ni wane walumale, nganituwa tulimbile ni COVID-19, mpaka tulwale mwampaka waloleleje pa mtimapo. Naga tuli tulwasile COVID-19, komboleka soni kwapela wanache ni isukulu yetu. M’mwejo mpaka msache kutenda yeleyo?”

Razaki wapukwisye mtwe wawo achiiji, “nambo amwene Salaam,” wapitilisye kuwecheta. “Ana tunkulupiile uli katemela jwakutyo chela yilambo yasyene? – m’kawaga mpela ngankuyimanyiliila muyawelele munyumamu—watukamulisye masengo kala kala. Tukulupiile uli kuti ngasatussikasya usilu soni?”

“Ngumpikana Razaki. Yamkuwecheta yo ikupikanika soni ili yakusosekwa. Nambotu jeleji jili mbili jakala. Uli tuganic hisye ya lelo? Tukalijiwila sogolo lyetu ligongo lya yindu yiyatendekwe kala kala.”

Salaam wanyakwile mgawo wautobwa nikumwa kwineku alinkuwecheta. “Panachitagucha Chiswahili chikuti,

‘Wele wakukulupiila kuti ajimilile, awe wasamalisya kuti akagwa.’”

Razaki waalolite Salaam ali nkuwilisya chitaguto. “isyene”, watite, “ngukumbuchila anganga walume wasalile chele chitaguchu. Mwine mkuwecheta isyene. Kuli kwambone kuwechetanaga ya indu yeleyi kulekangana ni gambaga kuyiganisa jikape mwa mtundu umpepe.”

Salaam watite. “Isyene yeleyo, Razaki. Achinamlongola wa boma mchilambochi akwete lungw’antu la kulyolechesya kuti wumi wawandu ukwenda chenene. Akwete chilinganyo ni ndondomeko syambone syakutukamuchisya uwejo. Ali ni ligongo lyakwe tukwenela kukuyaga ndondomeko syaakutukupa. Isyene yakwe ni yakuti chilambo chili chose chikutenda iyoyopeyo. Mbikene kuti atamose ku yilambo ya chiluyaku, ma Imaam kweleko gakupochela katemela. Akukulupiila lunda lya science ni wandu wambone kutyochela myilambo yakulekangana lekangana kuti walongolele nikwapa llanguka. Mundamo syetu soni dini ja Chisilamu, tukwete chikulupimu lunda lya achinamlongola wakwete ilinganisyo ya m’lama.

Razaki walolite pasipa ngwaila jawo kwineku alinkukologanya utobwa wawo.



Nganga kakambilane ni a Salaam ya katemera jwa COVID-19

Salaam waweni a Razaki ali nkulola ngwaila jawo, wapelengeny kuwecheta, "Mum ganichisyé katemela mwanti myi, Ngwaila syenu sikusyateya sajo syenu kuti nka ulala ni miwa soni maganga pa mkwenda mwitala. Nkusawala ngwayila syenu chila lisiku kulikose kwa mkwaula M'musi mwenu. Nambo pati mpite ku nsiki kuswali, nkusawula ngwaila syenu nikoga m'masajomu soni m'myala mli nka nimjinjile mu nsiki kupo pella. Nkusaliko selesya chenenepe kuti nka swle soni mtame umi wambone pa meso pa Allah. *Mwa litala lili peli, katemela akusa chikomasya chilu kuti chiwe cha mlama lisiku ni lisiku soni kulikose ku mkwaulako kuti chilu chilimbanganeje ni ma vailasi gakutandisa COVID-19.* Sano naga atupe wandu wakupochela katemela jwa COVID-19, nikuti chiteteso cha COVID-19 tichiwe soni chamachili kwa wandu wejinji mmisi mwetu. Jeleji ni nganijambone kwa wandu wosope, atamose pa liwasá lyenu mpaka chilambo chosopechi. Apa walakwejo ali na mlongola jwambone ku dini ja Chisilamuji, kwateteya wandu, soni kulongolela mu chilichose chambone.

Razaki wajitichisyé ni mtwe, "apa ni nampikanichisyé Salaam. Ndogolele pa kwisa kwenu."

Razaki wachiwila sile chisukulu chawo Rafiki, "Ana wawo Rafiki! Une nguwala ngwaila syangusi lisiku ni lisiku kuteteya sajo syangusi. Basi kwendeje ku chipatala kula ngapochele katemela jwa COVID-19 kuti nachiteye chiluchi chiwe cha mlama! Ngosyeche sambano!"

"Munindilie Razaki. Kwende tuja ule yimpepe", watite Salaam. "Ngumbuchile kuti lisiku lyakuti ngapochele katemela jwawili ni lelopejino. Soni la Nsano patuchimala kuswali, kwende tuwechetane ni achibaba nachimasyeto wane. Komboleka kuti nombe nawo akwete mausyo gejinji pa nganisyah katemela jwa COVID-19. Mkuti uli?"

"Nganisyoh syambone syelesyo, Salaam." Razaki wjitic hisye.



Nganga, Salaam ni Razaki kupochera katemera jwa COVID-19 ku chipatala **Mausyo pa nganiji:**

1. Ana a Razaki wakwete madandusyi ga mtunduchi pa katemela jwa COVID-19? (*Nganisyoh syawo syaliji syakuti ya katemela ili ya wanache ngawa mundu jwa mkulekule. Watiga soni chilambo chawo wandu wane wakwe akusagamba kuchikamulisa masengo*)
2. A Rafiki ni a Salaam watite uli pakwanga? (*Wasalile kuti atamose achakulungwa akwenela kupochela katemela jwa COVID-19. Tukatanjila*)

mu yindu yiyatendekwe kalakala nambo tuwe ni chikulupi mu lunda ly a chinamlongola wa boma ni wane wosope.)

3. Ana pelepa mljjiganyisye kuti katemela wakwenela kupochela ni wani? (Katemelaju akwapa wandu wosope wasachile nambo akwalimbikasy wandu wachekulu (wapundile yaka makumi nsano), wandu wakuchingangana kwejinji ni wandu wakulwala mpela wachipatala ligongo alipa mtepa pakuti mpaka alwale ulwelewu mwangasausya soni wandu walemale ni wakwete yilwele yine ya mgona mpela TB, HIV ni Shuga. Wandu wapundile yaka makumi nsano akwamema kupochela katemelaju ligongo naga jele manjaji kuti alwale, talwale yangawa chenene kulekangana ni achachanda.

Lijiganyo

Tuiweni kuti M'lungu akwete lung'wanu pa katemela jwa COVID-19 ligongo akusatunonyera uwe yiwumbe yakwe kuti tutame wumi wambone. Tuiweni soni kuti ulwelewu naga ukamwile mundu jumo, ukusasausyaga musi wosope pakuti wusakamulaga wandu wejinji.

COVID-19 jikusakamulaga wandu kutyochela pa kosomola ni luindika. Soni jikusanonyela kukamula wandu wachakulungwa kulungwa, wandu wakulwala ilwele ya mgona mpela shuga, HIV, TB ni Mtima ni wane walemale wakulekangana-lekangana. Pa magongo gelega, wandu wachekulu ni wele wakwete yilwele ya mgonayi, akwamema kuti akapochele katemelaju kuti aliteye.

Ntelawu tukusapochela kawiri kuti ukamule masengo gakwe chenene. Naga upochele kandanda, mundu ukwenela kwaula kukupochela wakumalisya pali papite jjuma likumi ni iwili. Kukusa sosekwa kupochela wa wiri kuti Mtelawu ukamule masengo ngakwe chenene soni mwamlama. Alangizi wetu wa kuchipatala mpaka atukamuchisye yakwayana ni katemelaju ni kapochere kakwe.

Katemelaju nganawa soni atupele mavuto gane galigose, nambo akututeteya mwakwanila mpela mwele mundu ukuwalila sapato mbali syosope syangongolo kuti ukawulala ni miwa soni ine ni ine pa ndawi jitukwawula ku Msikiti. Mtume Muhammad jwatite "Pangalimwa jenu mwanja jwakwete chikulupi pokapoka mum'nonyere mjenu. Hadith # 45 kutyoka kwa Mtumiki Muhamadi swalalahu waila wasalamah"

Pandawi jitupochele katemera jwa COVID-19, soni wandu wejinji nikupechela, nikuti tutandite kunonyelana pele ligongo wosope tukuteteyana ku COVID-19.

Wandu wane akusaganisya kuti katemelaju jukwete yakusausya ine ni ine mpelaga chilu kamula moto, nambo nanga chilu chikamwile moto yakusosekwa yakwe ni kumwa panado, ndawi ni katem a mundu ukusawaga chenene. Katemelaju jukusakuteteya mundu kuti ukalwala ulwele wa COVID-19 mwa mlama.

Masengo ga katemeraju nikututeteya mwakwanila kuti naga tuli tulwasile COVID-19, tukalwala mnope ya mpaka chiwa.

Naga wandu wajinji apochele katemeraju nikuti wosope tituwe wakomala yilu, pele nikuti lipesa lyakuti wandu alwale COVID-19 tilinondipe mmisi mwetu.

Sambano tuwasalile wandu wosope kutiajime pa nsela umpepe walongolele agumile kuti

CHANDANDA: Wosope tukapochele katemela jwa COVID-19

Lukongolo lwa kumlyo pasogolo, jwalijose awine

Jwalijose jwakusosa kupochela katemeraju ajawule ku chipatala ni malo gane gakupeleka katemelaju kapena wausye alangisi wa chipatala kwampaka akapochele. Katemelaju ali jwalele.

CHAWILI: Tukapochele katemera jwandada ndijwaliwakwe.

Yitulijiganyisye

1. COVID-19 tusajjigalaga pa ndawi mundu akukomosomola kapena Liundika.
2. Katemelaju jusatupaga Chiteteso chakwanila
3. Tujaule tukapochele katemelaju mwalisosya lyetu ngawa kutuka nganichisya, nambo tuyimanyi kuti katemelaju akututeteya wandu wosope. Patutupochere jwandanda, tukapochele sonijjawili.
4. Pandawi jitupochere katemelaju ngalepela ndawi syine mchilumu kolera moto panandi, pele nikuti katemela jutandite kukamula masengo nambo yangakawa kumala.
5. Wandu wakwenela kupochela katemelaju ni wele wakwanile yaka likumi, nsano ni yitatu (18) kapena kupunda pele.

Liwasa lyangu, musi wangu

Tutame m'magulu ga wandu ncheche kapena nsano ni jumo, tukambilane ni kwanga mausyo ga yakusausya ya iyiche panganija kupochera katemela jwa COVID-19. Tuwe wagopoka pakwanga mausyoga.

1. Ana ningani syapi syaunami syasikupiaka nika m'musi mwawo muno sya gamba nganijakatemela?
2. Palijiganyisye lero jino, sysele nganisyi takamalane nasyo uli?

Kulipeleka

Watamiche wosope pampepe, nikambilana ya madandusyi kapena mausyo gakwete ni majibu gakwe. Alimbiche pelepo kuti wanduwo akole mfundo syakulandana ni chiwecheto chimpepepe chakwalimbikasya wandu kumusi kuti akapochele katemela jwa COVID-19. Mumwawechetele subuhana watite “Pakuti Allah juli jwa Chanasa kwa une, ni wandu wane, nichanasa pecho timbochele katemela jwa COVID-19 pakusaka kuliteteya une ni wane ku ulwele wa COVID-19.